

相

陰

唱

和

集

庚申春

書



己未九月

稻陰唱和集

宗嘉樹署



版權所有



翻印必究

桐蔭唱和集

編 著：陆宝树

整理編輯：陆文灝

陆熊垚

出版發行：天馬圖書有限公司

香港上水新成路一百二十三號三樓

電話：二六七〇六六三三

傳真：二六七〇一三八二

印刷者：天馬出版有限公司


定 价：港 币六十六元

人民币六十六元

二〇〇六年十二月四日再版

ISBN 962-450-361-3/D.50746

影小十四樵醉



桐陰讀書圖

醉菴吟壇

屬題

清道人



杞菊流風

丁巳孟夏之月

婁東陳景懿



醉樵仁兄同社正之

詩林吟石

弟鄧春洲書



奇峰一勢屹開庭
 孕育金資雨露靈
 泉是
 岩家賢太守
 懋然千古德尚青
 己未九月李
 枝璠元夫人雅屬并請兩武進郎春科寫



序

鯉魚風起香飄丹桂之巖蟋蟀秋吟籟發白茆之港檢茶經而思鴻漸易卜
得名鼓檜楫而訪龜蒙天隨署號振纓希古奮袂論今自來高潔之生不染
卑汙之習隱居求志餘事作詩守口如瓶盟心似水鬱平旦青霞之氣據陽
春白雪之歌李杜文章光芒萬丈蘇梅唱和品藻一時苜蓿盤盈猶是當年
之宦味蕭梁樓選無非列宿之名言四秩年華孟子之心旌不動八章秋興
杜公之手筆爭傳考獻徵文警欬通九千里尋行數墨詩歌得二百家此陸
醉樵廣文當不惑之年繫斯文之望所以有桐陰唱和集之編也廣文品重
圭璋言垂綸綍胸襟落落丰度翩翩雅量楊青仙才李白菁莪育德棫樸興
賢鼉鼓逢逢靈臺魚躍鸞旂筏筏泮水鴉鳴槐市衣冠杏壇几杖博士之羊
雖瘦冷官之馬尙肥錦瑟華年燈帷清夜箋裁寸碧燭刻半紅青袍詎誤儒

生白紵每傳樂府辭清句麗冰雪聰明聲應氣求風雲臭味未幾解組青龍
之港抽簪白鶴之江薄冷署一官生涯潦草登虞山四顧變局滄桑靖節歸
來太冲招隱淡蕝鱸之滋味暢花鳥之閒情於是薈萃百家盧牟六合金石
之聲擲地璣衡之度齊天籠護碧紗自壽乃詠懷之作案依青玉有朋皆祝
嘏之詞訪藕尋蓮締新緣於翰墨投桃報李敦夙好於詩書文星客星相逢
一笑舊雨今雨爲頌九如沅沚荃蓀經離騷而異趣岡陵松柏詩小雅而同
賡此唱彼酬侶儔鸞鳳左宜右有福祿鴛鴦神交極四海而遙魚來雁往情
話恍一堂而聚燕曉鶯昏並坐瑟簧同音笙磬奇文相賞吾道不孤手撫一
編名下識王楊盧駱心遊萬里暗中摸何謝曹劉烜猶憶少時曾過常熟奠
仲雍之祖墓謂烜爲秦伯之百八世孫謁言偃之賢關杏雨江南離情惘惘梨雲渚北別
夢依依言念舊游恍如隔世邇聞佳士願與同堂披張爲主客之圖深情若

揭負郭泰人師之望古道猶存繫腰笛紫裘慶東坡之生日薦心香絳帳拜
南極之壽星誌算成書箕疇五福屬辭比事華祝三多如搜十五國之歌謠
追吳札而觀樂恍閱三百篇之紀載效卜商而序詩

己未年秋歙縣吳承烜東園自泚上軍次

序

余與陸君枝珊爲總角交同里閭余家居白茆之南塘君居其北相隔僅一水朝夕得相見君年長余七歲丁酉戊戌之交君與陸先生維之汪君伯琛弇山張先生選甫玉峯顧師表邦結吟社於里中一時聞風來倡和者不下數十家余時年纔十四五日沈悶於帖括之學不獲入盟於社及稍長而汪君伯琛以勞瘁謝世陸先生維之以幽鬱病狂張先生及顧師亦相率他適白社風流頓然消歇余欲從君之後而與諸君子遊已不可得矣幸君猶鄉居時相往還每於風月之夕或對酒而歌或引風而嘯互爲贈答以舒鬱結繼君又遷居入城余負笈遊江上尋復東渡還走北都中遭國變棲息無所蓋忽忽已十餘年矣此十餘年中與君不獲常相見見則絮絮道契闊不暇及於詩文詞甲寅秋余從海上歸走訪君君狂喜爲余置酒洗塵飲次各述

頻年之所經歷慨然有滄桑之感并出示四十述懷詩八章囑余和是歲冬
余復北行出榆關走龍沙不得見者又經年丙辰春南旋里居君復出示諸
家和作已哀然成帙矣余亦賦詩勉和之去冬余從甌東歸君聞信冒風雪
艤一棹來江上傾談竟夕追述二十年前鄉居之樂吟侶之盛謂此後不可
多得并告余曰世風不古雅道凌夷我之述懷詩得和者百餘家因名曰桐
陰唱和集并繪圖紀之擬付剞劂分贈同人蓋後茲數十年此調恐成廣陵
散矣惟時值改革之際諸家所作或睠懷故國興禾黍之悲或根觸前遊記
鶯花之夢傷時感賦寄託遙深雖謂詩人多幽以思抑亦時會使然也子肯
爲我序其端乎余諾之翌晨遂別去復作甌海遊君乃一再致書云詩將印
成亟待子序盍速爲之以踐前約嗚呼人生如白駒過隙憶幼時讀書塾中
君與陸先生維之汪君伯琛日來視吾玉峯顧師至則團坐一室焚茗聯吟

余或侍席由吾師別命一題爲短句詩成君輒爲之點綴刪削以故聞門上剝啄聲心卽竊竊私喜至今思之猶昨日事也而君年已四十四矣余年亦三十七矣再閱十年恐皆將頽然老矣君四十述懷之作其亦有撫今思昔之感乎因追記前事而爲之序

己未夏端午後三日靈南馮國鑫拜序於甌海法廨

諸大吟壇姓氏

題詞

吳承烜 東園

安徽歙縣

鍾大元 冕夫

浙江海寧

張汝礪 廉侯

江蘇華亭

張世昌 頑翁

江蘇青浦

錢宗輝 遁吟

江蘇常熟

邵元晉 汾卿

江蘇常熟

徐昌鎬 宗石

江蘇青浦

秦錫圭 介侯

江蘇上海

余端 信芳

江蘇武進

吳放劍門

江蘇武進

傅澗南女士友琴

江蘇武進

傅綱方修

江蘇武進

徐兆瑋虹隱

江蘇常熟

吳寬敬敷

江蘇高淳

雷補同譜桐

江蘇華亭

鄭文濤松聲

江蘇武進

秦景清鏡秋

江蘇無錫

徐公翰季英

江蘇青浦

戴克寬果園

江蘇青浦

項寰涵公

江蘇青浦

錢衡同 南嶼

江蘇寶山

張尙 桓如

江蘇華亭

雷璿 君曜

江蘇華亭

鮑祖德 桂藻

安徽歙縣

余其選 子銓

江西宜黃

胡士璜 櫟如

安徽休寧

吳藥先女士 絳珠

安徽歙縣

徐燮 荔亭

江蘇鹽城

顧福棠 詠植

江蘇武進

宛鳳岐 愚山

安徽廬江

楊瑞文 少彭

江蘇鹽城